



Broj: 12/08-23-16134-7/22
Zenica, 22.12.2022. godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12/08-23-16134-3/22, od 24.11.2022. godine, u otvorenom postupku javne nabavke za radove broj: 1417-1-3-82-3-58/22 od 03.11.2022. godine, direktor Kantonalne direkcije za ceste u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona, donosi:

ODLUKU

o izboru najpovoljnijeg ponuđača

I

U otvorenom postupku javne nabavke radova – „Izgradnja kružnog toka na spoju regionalne ceste R443 A1-Visoko-Kiseljak sa regionalnom cestom R445 Kakanj-Visoko” broj: 1417-1-3-82-3-58/22 od 03.11.2022. godine, ponuda ponuđača „TRGOŠPED“ d.o.o. Kakanj (broj AP-140/22 od 29.11.2022. godine) sa ukupno ponuđenom cijenom od 555.536,29 KM (bez uračunatog PDV-a) izabrana je kao najpovoljnija.

II

Ponuđač „TRGOŠPED“ d.o.o. Kakanj (ID broj: 4218057690003), adresa Branilaca bb, 72240 Kakanj, je u ponudi dostavio dokumente iz člana 45. i 47. Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije.

III

Ponuda ponuđača „ŠPIC BETON“ d.o.o. Zenica se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

Ponuda ponuđača „ADO-TRANS“ d.o.o. Visoko se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

Ponuda Grupe ponuđača „MUŠINBEGOVIĆ GRADNJA“ d.o.o. Visoko i „CESTE COMPANY“ d.o.o. Kiseljak se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-23-16134/22 od 01.11.2022. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-82-3-58/22 objavljeno je na Portalu javnih nabavki 03.11.2022. godine.

Komisija za javne nabavke imenovana rješenjem broj: 12/08-23-16134-3/22 od 24.11.2022. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za dostavljanje ponuda pristiglo je 5 (pet) ponuda.

U periodu od 29.11.2022. godine do 16.12.2022. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda ponuđača ŠPIC BETON d.o.o. Zenica se odbacuje jer nije dostavljena u skladu sa uslovima iz tenderske dokumentacije.

Ponuđač ŠPIC BETON d.o.o. Zenica, dostavio je izjave iz člana 45. i člana 52. Zakona o javnim nabavkama, koje se ne odnose na predmetni postupak javne nabavke nego se odnose na postupak javne nabavke koji je objavio drugi ugovorni organ, te nisu u skladu sa tačkom 12.2.1 i tačke 13.2 tenderske dokumentacije.

Imajući u vidu navedeno, kao i odredbe člana 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), ponuda ponuđača ŠPIC BETON d.o.o. Zenica se odbacuje, jer nije potpuna i ne ispunjava zahtjeve iz tenderske dokumentacije.

Ponuda ponuđača ADO-TRANS d.o.o. Visoko se odbacuje jer nije dostavljena u skladu sa uslovima iz tenderske dokumentacije.

Ponuđača ADO-TRANS d.o.o. Visoko dostavio je Obrazac za dostavljanje ponude koji nije u skladu sa tenderskom dokumentacijom, u dijelu koji se odnosi na period važenja ponude u trajanju od 120 (jednastotinadvadeset) dana, ponuđač je upisao pogrešan datum do kojeg važi ponuda, te nije postupio u skladu sa tačkom 24. tenderske dokumentacije.

Također, u Obrascu za cijenu ponude Prilog II ponuđač nije postupio u skladu sa tenderskom dokumentacijom pogrešno upisao cijenu slovima. Naime, ponuđač je sveukupnu cijenu brojevima iskazao kao 527.719,08 KM dok je istu cijenu slovima upisao pogrešno i to: petstotinadvadesetsedamhiljadasedmstotinadevetnaest i 08 KM“, umjesto „petstotinadvadesetsedamhiljadasedamstotinadevetnaest i 08/100 KM“.

Imajući u vidu navedeno, kao i odredbe člana 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), ponuda ponuđača ADO-TRANS d.o.o. Visoko se odbacuje, jer nije potpuna i ne ispunjava zahtjeve iz tenderske dokumentacije.

Ponuda Grupe ponuđača „MUŠINBEGOVIĆ GRADNJA“ d.o.o. Visoko i „CESTE COMPANY“ d.o.o. Kiseljak se odbacuje jer nije dostavljena u skladu sa uslovima iz tenderske dokumentacije.

Grupa ponuđača „MUŠINBEGOVIĆ GRADNJA“ d.o.o. Visoko i „CESTE COMPANY“ d.o.o. Kiseljak, dostavila je Garanciju za ozbiljnost ponude, ali ne u skladu sa tačkom 28.1 i tačkom 28.2 tenderske dokumentacije. Garancija ponuđača nije ispravna jer iznos procijenjene vrijednosti upisan slovima ne odgovara iznosu upisanom brojevima, tako što je upisan iznos „555.555,56 KM bez PDV-a (riječima: pethiljadapedesetpetpetstotinapedesetpet i 00/KM)“.

Cijeneći ispravnost pomenute garancije, ukoliko bi se u skladu sa tačkom 19.2. TD-e ispravnom smatrala procijenjena vrijednost iskazana slovima onda izračunati procenat i iznos garancije ne odgovara iznosu koji je propisan u tački 28. Tenderske dokumentacije, a zbog čega ugovorni organ neće moći istu u propisanim slučajevima eventualno aktivirati odnosno naplatiti.

Naime, tačkom 28.2. Tenderske dokumentacije propisano je da „Forma garancije za ozbiljnost ponude propisana je tenderskom dokumentacijom – Prilog VIII tenderske dokumentacije.“, a u tački 28.3. Tenderske dokumentacije propisano je da „U slučaju da ponuđač propusti dostaviti garanciju za ozbiljnost ponude u skladu sa navedenim tačkama tenderske dokumentacije njegova ponuda će biti odbačena.“.

Dakle, Grupa ponuđača „MUŠINBEGOVIĆ GRADNJA“ d.o.o. Visoko i „CESTE COMPANY“ d.o.o. Kiseljak je postupila suprotno odredbama tačke 28.1. i 28.2. Tenderske dokumentacije.

Imajući u vidu navedeno, kao i odredbe člana 68. stav (1) i stav (4) tačka i) Zakona o javnim nabavkama BiH („Službeni glasnik BiH“ broj: 39/14), ponuda Grupe ponuđača „MUŠINBEGOVIĆ GRADNJA“ d.o.o. Visoko i „CESTE COMPANY“ d.o.o. Kiseljak se odbacuje, jer nije potpuna i ne ispunjava zahtjeve iz tenderske dokumentacije.

Preostale pristigle ponude, ponuđača „TRGOŠPED“ d.o.o. Kakanj i „JATA GROUP“ d.o.o. Srebrenik ispunjavaju postavljene uslove, te je za 22.12.2022. godine zakazano provođenje e-aukcije, sa početkom u 11:00 sati i predviđenim trajanjem od 10 minuta. E-aukcija je uspješno okončana, te je formirana konačna rang lista ponuđača prema Izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

Rbr	Ponuđač	Ukupna cijena ponude bez PDV-a
1.	„TRGOŠPED“ d.o.o. Kakanj	555.536,29 KM
2.	„JATA GROUP“ d.o.o. Srebrenik	730.253,82 KM

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača „TRGOŠPED“ d.o.o. Kakanj.

Ugovorni organ prihvatio je preporuku Komisije za javne nabavke da se najpovoljnijem ponuđaču „TRGOŠPED“ d.o.o. Kakanj dodijeli Okvirni sporazum za radove „Izgradnja kružnog toka na spoju regionalne ceste R443 A1-Visoko-Kiseljak sa regionalnom cestom R445 Kakanj-Visoko”.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70. i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda

Dostavljeno:

5 x svim ponuđačima,
1 x a/a

Obradio:
Elmedin Bašić


DIREKTOR
po ovlaštenju ministra
(Rasim Kovač)


Saglasan: ARNEL ISAK, ministar